

正定府志卷之四

人物十

列女上

傳有之死易立孤難嗚呼立孤誠難矣死豈易言哉
夫人平居動以節義自許一旦遇小利害前後殊軌
者多矣況夫災至剝膚命懸呼吸冒白刃其如飴者
求之鬚眉丈夫猶不數數覲而顧得之巾幗中可貴
也余纂志至列女見夫各邑乘所紀載彤管揚休芳
徽足式者指不勝屈無論皓首孀幃松筠表節咏栢
舟而自誓託井水以無移卽未廟見成婦而秉心從

一之死靡他者亦時有之他如身際仇離變生倉猝
投童入室寧斷臂而弗辭戎馬臨郊雖投崖而不懼
巖巖正氣所稱閨中鐵漢者非歟竊嘗論之死非重
於泰山不必效輕生之事生苟傷於名節不可存畏
死之心顧常變隨乎所遇生死得其所安惟定識生
定力者能之今以閨帷弱質而天性所激發生可以
扶植風教死更足以振頑式懦不得謂巾幗之倫非
乾坤正氣之所鍾也雖以質之程嬰杵臼何多讓焉

正定縣

三國

王經母正定人經爲江夏太守忤曹爽棄官歸母問歸
狀經以實對母以經典兵馬而擅去送吏責之爽聞
不復罪經母嘗謂經曰汝田家子今仕二千石物太
過不祥可以止矣經不從坐高貴鄉公事被繫辭母
母顏色不變曰人誰不死往所以止汝者恐不得其
所也以此亡命何恨之有哉

晉

邵氏劉遐妻邵續之女驍果有父風嘗爲石季龍所圍
邵將數騎出遐於萬衆之中及田防等欲爲亂邵止
之不從乃密起火燒甲仗都盡

南北朝

房氏魏溥妻父堪爲慕容垂貴鄉太守房幼有烈操年十六適溥溥遭疾將卒以母老子矇眇爲恨房垂泣而對曰幸承先訓出事君子義在偕老不獲所願命也夫人在堂稚子襁褓願以身當少慰長往之恨俄而溥卒及大殮房氏操刀割左耳投棺中曰鬼神有知相期泉壤聞者莫不感愴子緝生未十旬鞠育成立終身不聽絲竹不預坐席年六十五而終緝子悅爲濟陰太守吏民立碑頌德蓋本母教云

五代梁

賈氏父章爲鎮州指揮使安重榮殺章誣以反氏尙幼欲捨之女曰吾家三十口皆遭兵存者惟吾與父耳父死吾安忍獨生并殺之

金

烏古論氏伯祥之妹臨洮總管陀滿胡土門之妻伯祥在朝貴中聲譽藉甚土門死王事崔立之變婦女多爲所汚烏古論氏謂家人曰吾夫不辱朝廷我不敢辱吾夫及吾兄乎卽自經一婢從死

元

蘇氏武用妻用疾氏刲股爲粥以進卽愈生子德政四

歲而寡兄利其資逼嫁之不聽未幾夫兄舉家歿惟
餘三弱孫蘇氏取而育之及德政長事母以孝聞旌
表其家

明

周氏夫死自縊殉葬詔旌其門

馬氏李廷實妻廷實以國子生在京聽選縣令未之任
病卒於京氏哀慟觸壁碎首與夫同死

胡氏李綸妻綸補邑庠生病篤氏知不起誓與同死潛
自飲毒家人覺之救得解其志終不可奪復飲藥卒
施氏正定衛百戶何毅妻年二十一生子甫二歲毅死

哀慟水漿不入口欲自殺姑知有孕力阻乃免後生
子親戚憐其少諷之他適氏曰夫亡子幼皤皤黃髮
年老無依可適人乎遂奉舅姑以終撫二子至於成
立年六十二歲事聞旌表

劉氏崔朝妻朝卒氏年二十三生子世高甫八月誓不
再嫁教子成立孀居五十餘年撫按旌其門

吳氏忝將梁心妻心於萬歷二十四年忤礦使被逮羈
囹圄中氏年二十四垂涕飲慟鬻簪珥以給夫用躬
勤紡績事孀姑倍謹及心歿哀痛餘生冰操自矢茹
荼撫諸子寒暑無間家道窘迫一室孤燈五十年如

二定府志 卷四十一
一日宗族閭里咸稱節孝各院屢旌其門

張氏王慶妻慶卒氏年二十三以死自誓教子成立清操不變撫按旌其門

崔氏苗通妻夫亡守節歷久勿渝通弟梅亦早死弟婦張氏貞操自矢奉詔並旌其門

賈氏戶部尙書應春女年十七歸監生賀容甫二年容卒氏本宦家飲荼茹檠甘之如飴年八十三而卒

馮氏梁世宦妻幼有志操通孝經內則諸書于歸三載舉子師孟逾月而世宦病氏籲天願以身代夫卒不起氏慟欲以身殉姑王氏力解之忍死稱未亡人執

婦道甚謹育子慈嚴並至師孟補博士弟子有聲迨年六十餘詔旌表之

張氏戶部郎中張體乾女適生員何自新二十五歲孀居守節四十餘年持家有法教子勤嚴卒以成名人謂冰操熊九一身兼盡

馬氏左自友妻自友卒氏年十八誓不再嫁撫遺腹子成立年八十餘而卒

李氏禮科給事中李冲奎女生而明慧及長識大義通文翰適吏部尚書梁夢龍仲子誥贈戶部郎中梁思欽約不異寒素思早卒子維基方六歲氏守節撫孤

三十餘年躬親操作門庭肅然事舅姑孝養備至年六十餘卒維基官郎中贈氏宜人知縣蘇繼歐以純孝完節旌其門

許氏贈禮部員外王兆寧繼妻兆寧早卒氏年甫二十事姑盡孝撫前室遺孤鍾龐愛與勞俱鳴機佐讀每至夜分不倦後以子貴受封荆布依然閨門之內和藹尤至人無間言天啟中縣令旌其門

侯氏年十八適趙九經二年經故家甚窶氏採藿拾薪以事孀姑數月後遺腹產一男氏撫孤子事老姑自食其力四十餘年

劉氏適徐泰敬年二十四夫亡遺孤延年尙在襁褓氏
哀慟誓死不食者數日親戚攜孤氏前多方勸慰強
就食爲延旦夕無何幼子孀姑俯仰交責始毅然門
祚之計後諸孫皆成名曾孫亦相繼成立五世共爨
皆氏貽謀之善也守節七十餘年享年九十三歲臺
使屢有題旌

李氏適中丞楊綵四子德輔輔早亡遺子光顯甫三歲
宦業蕭條氏不辭艱苦晝夜績紡誓以課子成名爲
已任清操四十餘年光顯雖游泮猶時以顯親揚名
勗之年歷七十三勿倦

劉氏許其德妻性端慤奉姑以孝稱其德爲父營祭葬卒於京邸氏聞之死而復甦者數妯娌勸之始爲加餐子一孫一俱早卒撫兩幼孫女閉戶不出者三十餘年年逾七十而卒

周氏舉人黃明珍繼室珍病卒遺前妻子京俊尙幼穉氏年二十二有遺腹日夜悲號不食翁姑勉之曰兒亡膝下孤兒賴汝撫育若天祚吾家遺腹復生子大黃氏者將在汝矣無庸自苦且有吾在忍令汝失所乎氏感泣矢志靡他及產果男氏堅心鞠育視前子無異已出京俊能讀父書補博士弟子員氏苦節三

十餘年鄉隣皆稱賢母云

崔氏光岱長女年十五適庠生安璜祚三年祚故遺孤
嘉蓮呱呱在抱姑又年老氏仰事俯育不異祚存日
歷三十年子克成名姑克終事皆氏孝慈之力也

李氏吳銓妻銓死不嫁家甚貧窶茹檠苦守紡績易米
以奉舅姑餘市書訓子戕亂後入邑庠孀居四十餘
年

王氏適崔均均與兄堦甫析居廬舍未定卽故氏撫週
歲于三錫早夜紡績四十餘年恢拓薪業人以爲女
中丈夫

蘇氏董都妻都亡母當垂白子祥呱呱氏工針指勤紡績鬻以事姑育子三十年如一日祥既錚錚邑庠熊丸之教勿輟直指使者旌其門

王氏衍範女也範原籍河南崇正間入徐撫幕挈子女移家正定爲人奸詐無行曾以女許同里張氏子值中州寇變張攜重囊依於其家匝歲範侵蝕殆盡遂寒盟逐張於外女甫笄憤懣弗平潛遣侍兒遺張金令白之官張懼範慮爲所算竟逋他鄉女計無復之旋自縊甲申之變標遇害賊黨首誅衍範暴其屍於市人以爲貪殘之報而女之貞烈自是彌卓然於

王古矣別與蘇王其文年十二歲其貞情未與前家
崔氏錦衣衛千戶梁維大妻維大卒氏甫二十四栢舟
自矢飲荼茹蘗三十餘年如一日至六十八歲卒撫
按旌其門

馬氏大司馬馬從聘孫女年十六歸刑科給事中梁維
本三子清宣恪遵婦道宣癰疾卧床氏調護備至願
以身代因憂瘁成疾夫歿氏拊心泣血粒米不進惟
求相從於地下越數日病增劇謂姑曰婦今愜所願
矣語竟而瞑有司以事聞旌表其門

梁氏刑科給事中梁維本女生而貞靜不苟言笑十六

歲歸中書舍人王原撫事舅姑以孝聞姑歿事祖母
尤謹晨夕視寢膳無少懈撫前室女如已出雖生名
門蕭然荆布里中稱少君德耀焉崇正甲申隨夫寓
京邸值逆闖西遁氏偕夫妹暨祖母避難出都城羣
盜擁至氏誓死不辱顧夫妹曰我死姑能從乎姑曰
有同心也適道旁有井氏曰清泉皎潔吾與姑得死
所矣遂拜辭祖母攜姑手同投井中數日後顏色如
生遠近聞者莫不悲愴巡按御史嘉其貞烈題請旌
表

王女內院典籍王某女年十二端莊貞靜未嫁值寇變